

**Javna ustanova Terapijska zajednica - Kampus Kantona Sarajevo**



**Public Institution Therapeutic Community - Kampus of Canton Sarajevo**

---

**Bosna i Hercegovina**

**Federacija Bosne i Hercegovine**

**KANTON SARAJEVO**

**Javna ustanova Terapijska zajednica –**

**Kampus Kantona Sarajevo**


**POSLOVNIK**

**O RADU NADZORNOG ODBORA JAVNE USTANOVE TERAPIJSKA  
ZAJEDNICA –KAMPUS KANTONA SARAJEVO**

**-PREČIŠĆENI TEKST-**

**Sarajevo, april 2026.godine**

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

---

Na osnovu člana 42. Pravila Javne ustanove Terapijska zajednica – Kampus Kantona Sarajevo Nadzorni odbor Javne ustanove Terapijska zajednica – Kampus Kantona Sarajevo, na 5. sjednici održanoj dana 29.04.2026. godine, utvrdio je

### POSLOVNIK

#### O radu Nadzornog odbora Javne ustanove

#### Terapijska zajednica – Kampus Kantona Sarajevo

#### -PREČIŠĆENI TEKST-

#### Član 1.

Ovim Poslovnikom bliže se uređuje način rada Nadzornog odbora Javne ustanove Terapijska zajednica – Kampus Kantona Sarajevo ( u daljem tekstu : Nadzorni odbor ).

#### Član 2.

Nadzorni odbor svojim načinom rada obezbjeđuje ostvarivanje kolektivnog rada, odlučivanja, odgovornosti i ravnopravnosti svojih članova u pravima, dužnostima i odgovornostima.

Član Nadzornog odbora lično je odgovoran za vršenje svoje funkcije, u skladu sa svojim pravima i dužnostima za rad i odluke Nadzornog odbora.

#### Član 3.


Član Nadzornog odbora ima prava i dužnosti da prisustvuje sjednici Nadzornog odbora i da učestvuje u njegovom radu i odlučivanju.

#### Član 4.

Radi ostvarivanja svojih prava i dužnosti, član Nadzornog odbora informira se o pitanjima koja razmatra Nadzorni odbor kao i o drugim pitanjima od značaja za ostvarivanje zadataka Nadzornog odbora.

Član Nadzornog odbora ima pravo da traži objašnjenje i obavještenje kada mu je to potrebno radi vršenja njegove funkcije.

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

---

### Član 5.

Član Nadzornog odbora ima pravo da predloži Nadzornom odboru razmatranje pojedinih pitanja na sjednici Nadzornog odbora.

### Član 6.

Rad Nadzornog odbora je javan.

Javnost rada Nadzornog odbora obezbjeđuje se ostvarivanjem slobodnog pristupa sjednicama Nadzornog odbora, obavještavanjem javnosti o radu i aktivnostima Nadzornog odbora, podnošenjem izvještaja osnivaču, Upravnom odboru i direktoru Kampusu, o rezultatima nadzora i na drugi način utvrđen Pravilima Javne ustanove Terapijska zajednica – Kampus Kantona Sarajevo ( u daljem tekstu : Kampus ).

### Član 7.

Nadzorni odbor radi u sjednici.

O pripremanju i održavanju sjednica Nadzornog odbora stara se predsjednik Nadzornog odbora.

### Član 8.

Predsjednik Nadzornog odbora saziva sjednice Nadzornog odbora po svojoj inicijativi, na osnovu zahtjeva direktora Kampusu, osnivača Kampusu, Upravnog odbora Kampusu i na obrazložen zahtjev člana Nadzornog odbora.

Sjednice Nadzornog odbora održavaju se prema potrebi.

### Član 9.

Pismeni poziv za sjednicu Nadzornog odbora, sa prijedlogom dnevnog reda, dostavlja se članovima Nadzornog odbora najkasnije sedam dana prije dana određenog za održavanje sjednice.


Uz poziv za sjednicu dostavlja se zapisnik sa prethodne sjednice i odgovarajući materijal o pitanjima koja su predložena u dnevnom redu sjednice.

### Član 9a.

Sjednica Nadzornog odbora se može održati i elektronskim putem (elektronska sjednica). Elektronska sjednica podrazumijeva dostavljanje poziva i materijala za dnevni red putem službenog e-maila svim članovima Nadzornog odbora, kao i očitovanje svih članova Nadzornog odbora putem e-maila o pitanjima koja su na dnevnom redu elektronske sjednice.

O elektronskoj sjednici sastavlja se zapisnik kojem se priključuju i ispisi poruka elektronske pošte članova Nadzornog odbora.

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

---

### Član 10.

Sjednici Nadzornog odbora predsjedava predsjednik ili jedan od članova koje on odredi.

Predsjedavajući sjednicom podnosi prijedlog dnevnog reda za sjednicu.

Član Nadzornog odbora može predložiti na sjednici da se određeno pitanje unese u dnevni red.

Dnevni red sjednice Nadzornog odbora utvrđuje se većinom glasova svih članova.

### Član 11.

Nadzorni odbor radi i punovažno odlučuje na sjednici na kojoj prisustvuju svi članovi.

O radu sjednice vodi se zapisnik.

Zapisnik potpisuje predsjednik Nadzornog odbora, odnosno predsjedavajući sjednice.

### Član 12.

Nadzorni odbor odlučuje većinom glasova svih članova.

### Član 13.

Glasanje na sjednici Nadzornog odbora vrši se javno, dizanjem ruke.

### Član 14.

U slučaju da se glasanjem ne postigne potrebna većina, glasanje se može ponoviti.

Ako se ni kod ponovljenog glasanja ne postigne potrebna većina, materijal o kome se glasalo skinuće se s dnevnog reda i uputiti na doradu nosiocu izrade materijala.

### Član 15.

U vršenju svojih zadataka Nadzorni odbor donosi zaključke, koje potpisuje predsjednik Nadzornog odbora ili lice koje on ovlasti.

### Član 16.

Predsjednik Nadzornog odbora stara se o izvršenju odluka Nadzornog odbora, o primjeni ovog Poslovnika i o ostvarivanju prava i dužnosti Nadzornog odbora.

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

### Član 17.

Administrativno-tehničke poslove za potrebe Nadzornog odbora vrši angažirani radnik Javne ustanove Terapijska zajednica – Kampus KS kojeg pisanom odlukom odredi Nadzorni odbor za obavljanje sekretarskih poslova.

Sekretar Nadzornog odbora Kampusa odgovara u okviru svojih zadataka za blagovremeno dostavljanje poziva i materijala za sjednice Nadzornog odbora.

Za obavljanje administrativno-tehničkih poslova (sekretarski poslovi) za potrebe Nadzornog odbora, sekretaru Nadzornog odbora Javne ustanove Terapijska zajednica – Kampus KS pripada pravo na novčanu naknadu, u iznosu koji svojom odlukom određuje Nadzorni odbor.

### Član 18.

Prečišćeni tekst Poslovnika o radu Nadzornog odbora Javne ustanove Terapijska zajednica-Kampus Kantona Sarajevo obuhvata tekst Poslovnika o radu Nadzornog odbora JU Terapijske zajednice-Kampus Kantona Sarajevo broj: 35-01-02-1090/2/17 od dana 30.10.2017. godine, Poslovnika o dopuni Poslovnika o radu Nadzornog odbora JU Terapijska zajednica-Kampus Kantona Sarajevo broj: 31-02-03-1191/24 od 19.08.2024. godine i Poslovnika o izmjeni /dopuni Poslovnika o radu Nadzornog odbora JU Terapijska zajednica-Kampus Kantona Sarajevo broj: 31-04-3- 327/1/26 od 25.03.2026. godine.

Ovaj Prečišćeni tekst Poslovnika o radu Nadzornog odbora Javne ustanove Terapijska zajednica-Kampus Kantona Sarajevo stupa na snagu danom donošenja i objavit će se na web stranici JU Terapijska zajednica-Kampus Kantona Sarajevo.

Broj: 31-04-3- 327/1 /26

Datum: 29.04.2026.godine



